

阿彌陀經不思議神力傳經
佛說阿彌陀經

養

二經同卷

十一

阿彌陀經不思議神力傳

佛說阿彌陀經

阿彌陀經不思議神力傳

昔長安僧叡法師慧崇僧顯慧通近至後周
實禪師景禪師西河鸞法師等數百餘人並

生西方西河綽禪師等因見鸞法師得生淨
土各率有緣專修淨土之業綽師又撰西方
記驗名安樂集流行

又晉朝遠法師入廬山三十年不出乃命同
志白黑有一百二十三人立誓期於西方鑿
山銘願至陳天嘉年廬山珎禪師於坐時見



養



有數百餘人共乘七寶華舫往西方瑯禪師
遂求附載其船上人報云法師雖講得涅槃
經亦大不可思議緣法師未誦得阿彌陀經
及呪所以不得同去法師遂廢講業日夜專
誦彌陀經及呪計應滿二萬遍未終四七日
前夜向四更有神人從西方送一白銀臺來
空中明過於日告云法師壽終當乘此臺往
生阿彌陀國故來相示令知定生終時白黑
咸聞空中如奏音樂并聞異香數月聞香氣
不歇其夜峯頂寺僧衆咸見一谷內有數十
炬火大如車輪尋驗古今得生極樂世界者
非一多見化佛徒衆來迎靈瑞如傳廣明不

可繁錄因玠禪師於此經有驗故略述此一
條以悟來喆助成往生之志拔一切業障根
本得生淨土神呪

宋元嘉年求那跋陀重奉 制譯合計五十

九字一十五句

南無阿彌多婆夜哆反多一他伽跢反都餓夜多

地反三夜他阿彌利反上聲都婆毗王阿彌利

哆六悉耽婆毗七阿彌利哆八毗迦蘭諦九

阿彌利哆十毗迦蘭哆十一伽彌膩二十伽伽那

三十枳多迦隸四叶莎婆訶五十

若有善男子善女人能誦此呪者阿彌陀佛
常住其頂日夜擁護無令怨家而得其便現

世常得安隱臨命終時任運往生龍樹菩薩
願生安養夢感此呪那舍三藏誦此呪天平
寺銹音秀法師從那舍三藏口受此呪其人云
經本外國不來若欲受持呪法嚼楊枝澡豆
漱口然香於佛像前跏趺合掌日夜六時各
誦三七遍即滅四重五逆十惡謗方等罪悉
得滅除現世所求皆得不爲惡鬼神所惑亂
若數滿二十萬遍即感得菩提牙生若至三
十萬遍即面見阿彌陀佛傳竟如前
佛說阿彌陀經

姚秦三藏法師鳩摩羅什譯

如是我聞一時佛在舍衛國祇樹給孤獨園

與大比丘僧千二百五十人俱皆是大阿羅漢衆所知識長老舍利弗摩訶目犍連摩訶迦葉摩訶迦旃延摩訶俱絺羅離婆多周利槃陀伽難陀阿難陀羅睺羅憍梵波提賓頭盧頗羅墮迦留陀夷摩訶劫賓那薄拘羅阿菟樓駄如是等諸大弟子并諸菩薩摩訶薩文殊師利法王子阿逸多菩薩軋陀訶提菩薩常精進菩薩與如是等諸大菩薩及釋提桓因等無量諸天大衆俱

今時佛告長老舍利弗從是西方過十萬億佛土有世界名曰極樂其土有佛号阿彌陀

今現在說法舍利弗彼土何故名爲極樂其

國衆生無有衆苦但受諸樂故名極樂又舍利弗極樂國土七重欄楯七重羅網七重行樹皆是四寶周匝圍繞是故彼國名曰極樂又舍利弗極樂國土有七寶池八功德水充滿其中池底純以金沙布地四邊階道金銀琉璃玻瓈合成上有樓閣亦以金銀琉璃玻瓈磈礫赤珠碼碯而嚴飾之池中蓮華大如車輪青色青光黃光赤光白色白光微妙香潔舍利弗極樂國土成就如是功德莊嚴又舍利弗彼佛國土常作天樂黃金爲地晝夜六時雨天曼陀羅華其國衆生常以清旦各以衣祴盛衆妙華供養他方十

萬億佛即以食時還到本國飯食經行舍利
弗極樂國土成就如是功德莊嚴

復次舍利弗彼國常有種種奇妙雜色之鳥
白鶴孔雀鸚鵡舍利迦陵頻伽共命之鳥是
諸衆鳥晝夜六時出和雅音其音演暢五根
五力七菩提分八聖道分如是等法其土衆
生聞是音已皆悉念佛念法念僧舍利弗汝
勿謂此鳥實是罪報所生所以者何彼佛國
土無三惡道舍利弗其佛國土尚無惡道
之名何況有實是諸衆鳥皆是阿彌陀佛欲
令法音宣流變化所作舍利弗彼佛國土微
風吹動諸寶行樹及寶羅網出微妙音譬如

百千種樂同時俱作聞是音者自然皆生念佛念法念僧之心舍利弗其佛國土成就如是功德莊嚴

舍利弗於汝意云何彼佛何故号阿弥陀舍利弗彼佛光明無量照十方國無所障礙是故号爲阿弥陀又舍利弗彼佛壽命及其人

民無量無邊阿僧祇劫故名阿弥陀舍利弗阿弥陀佛成佛已來於今十劫又舍利弗彼佛有無量無邊聲聞弟子皆阿羅漢非是等數之所能知諸菩薩衆亦復如是舍利弗彼佛國土成就如是功德莊嚴又舍利弗極樂國土衆生生者皆是阿鞞跋

致其中多有一生補處其數甚多非是等數所能知之但可以無量無邊阿僧祇劫說舍利弗衆生聞者應當發願願生彼國所以者何得與如是諸上善人俱會一處舍利弗不可以少善根福德因緣得生彼國舍利弗若有善男子善女人聞說阿彌陀佛執持名号若一日若二日若三日若四日若五日若六日若七日一心不亂其人臨命終時阿彌陀佛與諸聖衆現在其前是人終時心不顛倒即得往生阿彌陀佛極樂國土舍利弗我見是利故說此言若有衆生聞是說者應當發願生彼國土

舍利弗如我今者讚歎阿彌陀佛不可思議
功德之利東方亦有阿閼鞞佛須彌耜佛大
須彌佛須彌光佛妙音佛如是等恒河沙數
諸佛各於其國出廣長舌相遍覆三千大千
世界說誠實言汝等衆生當信是稱讚不可
思議功德一切諸佛所護念經

舍利弗南方世界有日月燈佛名聞光佛大
燄肩佛須彌燈佛無量精進佛如是等恒河
沙數諸佛各於其國出廣長舌相遍覆三千
大千世界說誠實言汝等衆生當信是稱讚
不可思議功德一切諸佛所護念經

舍利弗西方世界有無量壽佛無量相佛無

量幢佛大光佛大明佛寶相佛淨光佛如是
等恒河沙數諸佛各於其國出廣長舌相遍
覆三千大千世界說誠實言汝等衆生當信
是稱讚不可思議功德一切諸佛所護念經
舍利弗北方世界有皞肩佛最勝音佛難沮
佛日生佛網明佛如是等恒河沙數諸佛各
於其國出廣長舌相遍覆三千大千世界說
誠實言汝等衆生當信是稱讚不可思議功
德一切諸佛所護念經

舍利弗下方世界有師子佛名聞佛名光佛
達摩佛法幢佛持法佛如是等恒河沙數諸
佛各於其國出廣長舌相遍覆三千大千世

界說誠實言汝等衆生當信是稱讚不可思議功德一切諸佛所護念經

舍利弗上方世界有梵音佛宿王佛香上佛香光佛大燄肩佛雜色寶華嚴身佛娑羅樹王佛寶華德佛見一切義佛如須弥山佛如是等恒河沙數諸佛各於其國出廣長舌相遍覆三千大千世界說誠實言汝等衆生當信是稱讚不可思議功德一切諸佛所護念經舍利弗於汝意云何何故名爲一切諸佛所護念經舍利弗若有善男子善女人聞是經受持者及聞諸佛名者是諸善男子善女人皆爲一切諸佛之所護念皆得不退轉於

阿耨多羅三藐三菩提是故舍利弗汝等皆當信受我語及諸佛所說

舍利弗若有人已發願今發願當發願欲生阿彌陀佛國者是諸人等皆得不退轉於阿耨多羅三藐三菩提於彼國土若已生若今生若當生是故舍利弗諸善男子善女人若有信者應當發願生彼國土

舍利弗如我今者稱讚諸佛不可思議功德彼諸佛等亦稱讚我不可思議功德而作是言釋迦牟尼佛能爲甚難希有之事能於娑婆國土五濁惡世劫濁見濁煩惱濁衆生濁命濁中得阿耨多羅三藐三菩提爲諸衆生

說是一切世間難信之法舍利弗當知我於
五濁惡世行此難事得阿耨多羅三藐三菩
提為一切世間說此難信之法是為甚難佛
說此經已舍利弗及諸比丘一切世間天人阿
脩羅等聞佛所說歡喜信受作禮而去

佛說阿彌陀經

養

救	上	反	居	反	也	記	叡	反	佛
反詩	反	支	反	也	也	記	反	佛	
絺	絺	疑	疑	途	舟	音	絳	絳	
反丑	反	郎	郎	賣	日	放	反	絳	
知	知	帝	帝	利	雙	雙	反	約	
菟	菟	秀	舊	上	哲	哲	上	廬	
反	反	音	音	上	文	二	上	山	
侯	侯	嚼	慈	反	下	同	居	上	
馬	馬	咀	約	反	俗	上	反	力	
反唐	反	賀	反	舍	用	古	反	鑿	
衣	衣	澡	反	膩	多	就	也	音	
械	械	音	反	反	多	經	也	昨	
得	得	洗	早	二	反	作	銘	莫	
反古	反	漱	反	只	反	都	反	莫	
闕	闕	口	又	只	只	都	反	莫	
闕	闕	口	又	只	只	都	反	莫	

